

deva alcune cose per qui a comodo di la Signoria, a la qual non feze risposta in quel trato. Atendo, per el primo, la risposta; dil seguito scriverò. E saria necessario la Signoria nostra scrivesse 4 rige e non più al signor Soldan senza rispetto, e dirli che se sua signoria non vol che verso i nostri subditi faziamo quello ne piazze, la farà altra provixion. Forse le cose paserà altramente, avisandone. El signor di Damiatà à fato chiamar tutti i franchi e à dimandato se i vol pagar: i disse di no, e lui feze far la crida per la terra; sichè niun non pagerà. Non mancharò scriver al Caiero et far quello posso.

Questi sono li capitoli.

1514, in Alexandria, a dì 3 Zener.

Capitoli ottenuti dal signor soldan Camson el Gauri a la sua venuta qui in Alexandria, traduti de verbo in verbum, quali comenzano cussì:

In nome del Signor Dio, elcomandamento altissimo del Signor Soldan, el re, el saraf, spadatir, Dio li dia più alto grado; el Dio altissimo li dia più dignità e fa pasar la libertà. Qui se scrive questo comandamento degno di tutti che sia presentato al signor armirao di questa terra, altissimo vize soldan di Alexandria. Signor Dio moltiplica la so grazia, el signor cadì, el signor Coza, cadì Xoda e coza in Alexandria el nadrar del dachieri et scrivani dovanieri, tuti zudexi che ha libertà in la terra di Alexandria carissima. Quando vien le nostre stafe degne in Alexandria, el par avanti de noi Tomaxo Venier consolo de' veneziani, davanti la nostra dignità e di nostri pavioni degni, dimandando che se scriva questo comandamento degno, che fazi segurtà per el tempo che dia venir, di quello se dize ne li capitoli.

Primo, che nisun fazi contradizion alguna a la nazione veneziana per tore some di fruti di sorte alguna, neanche di nisuna sorte merze ai doanesi, el mercadante del signor Soldan nadrach del dechieri e de la terra, pexadori, garbelieri et bastaxi, nè niun altro ofizial.

Secundo, ch'el sia dà libertà a' mercadanti venetiani, nel vender et comprar con chi ge piazze, con mori, christiani, zudei, che nisun non li dia impazo e che non deveda; et se scriva el mercado ne la doana de Gaban, non se possi strazar, nè batalar se algun comprasse moro, christian, zudio, vender, comprar per sua ventura senza contradizion alguna; et che

algun non se impedisea; e se nisun sanser anderà avanti a niun cadì di Alexandria per caxon de scri-ver uno mercado, lo deba scriver, et che nisun non possa devedar lo scriver.

Tertio, che li colli di spezie si carga a marina con le galie veniziane et con soi crivelli a l'inverno al Museto de marina, per ogni colli 8 ducati uno in tempo di galie, colli 4 al ducato a' bastaxi, a l'inverno per colli ditti colli 12 al ducato e le galie, colli 6 al ducato e non più per quelli.

Quarto, che per ogni fardo di canella per collo uno ugnolo et ogni uno schafazo di mazis per uno collo ugnolo, in tute spexe el Museto da marina bastaxi, gambelieri et tutte spexe innovade in le spezie et merze et ogni altra cossa da poi il signor Soldan Cait bei el Saraf, Dio li perdoni, sia batalade e non se toia se non a quel tempo.

Quinto, che se algun mercadante venizian che vorà tuor pexador per pesar soe spezie et merze, che 'l sia in sua libertà senza contradizion alguna che 'l pesa con chi ge par e piazze el franco.

Sesto, che li sansari che fa li mercati, cadaun che fa el mercado habi la sua sansaria, pizoli et non altro, nè altre regalie nè sansarie, nè altri ofiziali partizipa con loro in questo; e che i non possi aver, nè domandar altra cortesia, nè nisun possa astrenzer in domandar altra cosa.

Setimo, che tutte robe del consolo et so' caxa, tute cose per so manzar de viver e vin che vien a esso e soi mercadanti, ne la sua vegnuda et tutto el tempo che i sta non sia ubligati a pagar uno deremo.

Octavo, che 'l consolo e mercadanti cargi le soe robe et traza per lo andar et per lo avenir che non pagi spesa alguna nè a marina, nè la porta, nè di vardiani di colombi, nè el non fazi contradizion alguna, neanche li so' presenti de l'andar e di l'venir di confezion et zucari.

Nono, che nisun non dagi contradizion alguna a li soi mercadanti, ezeto che ne la osera, che se die dar ducati 3 e mezo senza pagar pur di quelli.

Decimo, che tutti i navilli et griparie, che nisun non toia niente de essi nè per ancorazo, nè per museto da' marineri, nè per mamaluchi; nisun non fazi dispiazer, nè bater alcun zeneralmente; nisun non intri in navilio exeto bazarioti che vende merze, cosse menude, con lizentia del consolo.

Undecimo, che in Sira de Alexandria per el Cayro, Roseto, Damiatà, Nosich non dimanda niente, pur uno deremo, nè la intrada, nè per insida.

Duodecimo. Noi abiamo richiesto che, essendo